



Yylaadig "zum letschte Ziischtig im Monät"

Ziischtig, 30. April 2024

Ziit: 1/4 ab sechsi En gfüerte Hofrundgang mit de Puure bi de verschidene Tier (freywillig)

Ziit: sibni Aattrinckete und aaschlüssend Tüüröffnig i de Beiz

D Aaleggi: schigg em Buurehof endsprechend

Adrässe: Hohrütistrasse 12, 8127 Forch
Telefon: 044 918 04 46 - lang la schäle...

Ab Parkplatz Forch Richtung Herrliberg isch es de 2 Hof rechts nach 2 Kilometer.
Blickfang: Holz vor de Hütte und Hose am Silo.
www.zurchaltehose.ch

D Aattrinckete im Jäger Zelt

Degustation vo huus- und handgmachte Salumi, Alpchäs und Biobrot ab em Tanneholzbrett

De Znacht i de Beiz

D Vorspyys

E saisonali Suppe mit Bio Buurebrot us de Hofbäckerei

De Hauptgang (Bi öis essed au Vegetarier wieder Fleisch - wer das nöd chan, bitte melde)
Spezzatino di maiale mit Ofehärdöpfel anere fiine Sänfsosse

De Dessert

E Chuglä Glacée vo de chalte Hose

De Pryys betreit Franke 109.— pro Person

De Pryys beinhaltet en freywillige Hofrundgang mit de Puure, d Aattrinckete, s Menü wie obe beschribbe, e guet's Glas biologische Huuswy zu jedem Gang- vo eusem Fründ Bruno Porro us em Piemont, s Wasser vo de Hofqwälle, en nachhaltige Espresso gröstet uf de Forch und usegla us de „Faema 61 legend“, de Herr Möckli mit eme Schnäpsli. Das alles wird vo de Wirtin nach em Ässe im Hoflade in **BAR** iikassiert. Zuesätzliche Konsumazione werded separaat iizoge. Däzue gits passendi Musigg, romantischs Oliveölliecht und e interressanti Gsellschaft am lange Stubetisch. Alles Fleisch chunt vom Hof und alli andere Zuetate vom Ässe sind uus biologischem Aabau – Eusi Überzügig isch es, wenn Tier es artgmässes Läbä chönd führe und de Tod us "heiterem Himmel" chunnt, liefereds em Mensch au es gesunds Lebes-Mittel – ebe meh als nur es Nahringsmittel - es Mittel zum Lebe.

D Zaal vo de Stühel isch beschränkt uf Reserwazion, **Telefon 044 918 04 46**. D Aamäldige werded strickt de Reie naa vom Ygang her berücksichtigt – mer händ nöd unbeschränkt Platz. Am lange Stubetisch düemer vo rechts afangä ufschlüssä, damit alli es Plätzli findet. Fründe vo de Chalte Hose dörfed au wieder ihri Fründe mitilade (Maximum 6 ufsmal). Wer agmeldet isch und nöd cha choo, meldet sich bitte en Tag im voruus ab, suscht muess mer de Muni go putze!

Mer fröyed öis uf Öi und Diich !!

Claudia und de Nils

Wir informieren Sie gerne über allergene Zutaten in unseren Gerichten.

